

Ֆ. Տիրացյան

ԵՐԿԱՆԴՈՒՆԻՆԵՐԸ ՀԱՅԱՍՏԱՆՈՒՄ

Հայ ժողովրդի պատմության հնագույն ժամանակաշրջանը, Ուրարտական պետության անկումից (ն. մ. թ. 6-րդ դարի սկիզբը) մինչև Հայկական լեռնաշխարհի միավորումը Արտաշես I-ի օրոք (ն. մ. թ. 2-րդ դարի սկիզբը), անբավարար կերպով էր ուսումնասիրվում անցյալում: Եման դրություն պատճառներից մեկը աղբյուրների սակավությունն է, որի հետևանքով, իսկապես, անհնարին էր և դեռ այժմ էլ անհնարին է տալ այդ էպոխայի քիչ թե շատ կապակցված պատմությունը:

Մինչև ժամանակ, գնալով ավելի ու ավելի պարզ է դառնում, որ քննության առնվող էպոխայում տեղի են ունեցել հայ ժողովրդի պատմության համար կարևորագույն նշանակություն ունեցող պրոցեսներ, ինչպիսիք են՝ դասակարգերի, դասակարգային հասարակության ձևավորումը, պետության առաջացումը, հայ ժողովրդի կազմավորման ավարտը:

Սովետահայ պատմագրության երախտիքներից մեկն էլ հանդիսանում է այն, որ նրա ներկայացուցիչները ուշագրություն հրավիրեցին նշված էպոխայի ուսումնասիրության անհրաժեշտության վրա: Ակադ. Մանանդյանը¹ և Ս. Տ. Երեմյանը² իրենց մի շարք աշխատություններում պարզեցին, որ ն. մ. թ. 6—2-րդ դարերում Հայաստանում տեղի ունեցող պատմական պրոցեսները իրագործվեցին Երվանդունիների տոհմի ներկայացուցիչների քաղաքական ղեկավարության պայմաններում, մինչև ժամանակ վեր հանեցին այդ էպոխայի մի շարք կարևոր մոմենտներ: Սույն հոդվածը հավանություն է չունենալով շարադրելու 6—2-րդ դարերի պատմությունը, իր առջև խնդիր է դնում ցույց տալու նրա մի քանի հիմնական էտապները:

Փաստերը վկայում են այն մասին, որ դեռևս Ուրարտական պետության ընդերքում հայ-արմենական էթնիկական տարրը ստեղծել էր տերիտորիալ երկու օջախ, մեկը Արմև-Շուպրիայում³, մյուսը Վանի ավազանի որոշ մասերում⁴: Ուրարտական պետության դժվարությունները, նրա գոյության վերջին տարիներին և ապա Ուրարտական պետության վերջնական փլուզումը, նպաստավոր պայմաններ ստեղծեցին, որպեսզի նշված օջախները միավորվեն և

¹ «О торговле и городах Армении», Ереван, 1930, ինչպես նաև երկրորդ հրատարակությունը, Երևան, 1954, «Քննական տեսություն հայ ժողովրդի պատմության», հատ. Ա, Երևան, 1944, «Արմավիրի հունարեն արձանագրությունները նոր լուսաբանությամբ», Երևան, 1946, «Գառնիի հեթանոսական տաճարի կառուցման ժամանակը», Երևան, 1946:

² Ս. Տ. Երեմյան, Проблема этногенеза армян..., «Известия» АН АрмССР, серия общественных наук, 1951, № 6.

«К вопросу об этногенезе армян», «Вопросы истории», 1952, № 7.

³ Б. Б. Пиотровский, О происхождении армянского народа, Ереван, 1915.

⁴ Ս. Տ. Երեմյան, Рабовладельческое общество древней Армении (автореферат докторской диссертации), М., 1953.

Հայկական լեռնաշխարհում քաղաքական գերիշխանությունն անցնի հայ-արմենական ցեղերին¹:

Երվանդ 1-ին և Տիրաց 1-ին (ն. մ. թ. 6-րդ դարի կեսերը)

Առաջին հայ իշխանավորը, որին մենք հանդիպում ենք Ուրարտական պետության անկումից հետո, դա Երվանդ՝ Սակավակյաց հորջորջված թագավորն է:

Մովսես Խորենացու «Հայոց պատմության» առաջին գրքի 21-րդ գլխում գեանգված է մարաց և հայոց թագավորների սինխրոնիկ տախտակը:

¹ Ուրարտական պետության և հայ-արմենական ցեղերի փոխհարաբերության հարցը ամենահետադիմներից է: Նշված ժամանակաշրջանի հետազոտողներին զրազեցնում են հատկապես պատմական այն պրոցեսները, որոնք հանգեցին, ղեկուս Ուրարտական պետության զոյություն պայմաններում ծայր առած հայ-արմենական ցեղերի քաղաքական միավորման վերջնական հաղթանակին Հայկական լեռնաշխարհում (տե՛ս այդ մասին Ս. Տ. Շրենյանի հիշված աշխատությունը): Ուրարտա-հայկական փոխհարաբերությունները պատկերող երևույթներից մեկը ընդունված է համարել ուրարտական զինաստիպի մեջ կատարված ենթագրական փոփոխությունները: Ըստ ուրարտական պատմության ամենավերջին շրջանի նախ մեկնաբանությունների, Ուրարտուի դահի վրա բարձրանում է հայ-արմենական վերնախավի ներկայացուցիչը հանձինս վերջին թագավոր Ռուսայի՝ Էրիմենայի որդու՝ Բեռես 30-ական թվականներին արտահայտվել էր այն միտքը, որ հանձին էրիմենայի, մենք գործ ունենք ոչ թե ուրարտական ինչ որ թագավորի հետ, այլ արմենական էթնիկական պատականությունը արտահայտող մի անվան հետ (Մ. Ա. Меццанис, К анализу имени Эрмения, Язык и мышление, I, Ленинград, 1933, стр. 40-42). Այս կապակցությամբ նույնիսկ առաջադրվում էր ուրարտական Ռուսա անվանը համապատասխանող հայկական (կարգա՝ իրանական) երվադ անունը (Գ. Ղափանցյան, Ուրարտուի պատմություն, Երևան, 1940, էջ 224, «Хетские боги у армян», Ереван, 1940, стр. 221 և «Արա Գեղեցիկի պաշտամունքը», Երևան, 1943, էջ 98): Այս հաշվի էր առնվում այն հանգամանքը, որ երվադ անունը բնորոշ է երվանդունիներին, և արձանագրում էին Ուրարտա յճի արևմտյան շրջաններում օրոնտների ցեղի առկայության փաստը (Plinius, Historia Naturalis, v. 1.) ու Լեդակացում, որ երվադը՝ երվանդունիների տոհմից, առաջնորդում էր հայ-արմենական այն ցեղերը, որոնք մեղացիների հետ զաշնակցած նվաճեցին Ուրարտուի մայրաքաղաք Տուշպան, որտեղ թագավորեց երվադը, Ռուսա Էրիմենայի որդի (այսինքն «Երվադ արմենական») անվան տակ (С. Т. Еремян, Проблема этногенеза армян... «Известия», 1951, № 6, стр. 46):

Ն. մ. թ. 7-րդ դարի վերջին և 6-րդ դարի սկզբներին Մերձավոր Արևելքում զոյություն ունեցող պատմական զրույթները չի բացառում զեպրերի այդպիսի բնթացքը: Պարզվում է նախ, որ Ուրարտական պետության խորտակումը մեղացիների կողմից կատարվել է ոչ միանգամից: Ինչպես ցույց է տալիս Բաբելոնի թագավոր Նարուպասարի տարեգրությունը, Ն. մ. թ. 609 թ. տեղի է ունենում մեղացիների առաջին արշավանքը զեպր Ուրարտու, որը հպատակեցվել, բայց չի ոչնչացվել: Միայն 590 թ. է, որ մեղա-լյուդիական պատերազմի կապակցությամբ, Ուրարտական պետությունը իսպառ լիկվիդացվում է և նրա տեղը բռնում է հայ-արմենական թագավորությունը (տե՛ս Մ. М. Дьяконов, Последние годы Урартского государства по ассирийско-вавилонским источникам, ВДИ, 1951, № 2):

Հնարավոր է ուրեմն, որ անցման այս ժամանակաշրջանում՝ 609—590 թթ. հայ-արմենական ցեղերը օգտվեին առիթից, առավելապես ամրապնդելու իրենց դիրքերն Ուրարտական պետության մեջ և այդ կապակցությամբ ուրարտական դահի վրա բարձրանալու այդ ցեղերի ներկայացուցիչը հանձին երվադ-Ռուսայի:

Վերը շարադրված զայթակեցուցիչ տեսությունը վերջնական լինելի չի կարող, մի շարք կետերում խոցելի լինելու պատճառով: Բայց և այնպես թեական լինելով հանդերձ, նա չի կարող նվազեցնել մեր հետաքրքրությունը ուրարտա—հայկական քաղաքական փոխհարաբերությունների հարցի նկատմամբ:

Ինչպես երևում է մարաց թագավորների ցուցակի աղբյուրագիտական վերլուծությունից, նա հենվում է մեզական թագավորներին հիշատակող երկու հեղինակների վրա: Հերոդոտից են վերցված նրա առաջին գրքի 96—108 գլուխներում մեջբերված մեզական չորս թագավորները, որոնք, ինչպես պարզվում է այժմ, արդարացնում են իրենց որպես պատմական անձնավորություններ և որոնք Մ. Սորենացու մոտ բերված են մեզական թագավորների ցուցակի վերջում ('Ինովկես, Փռավորտիս, Կվաքսարես, Աժգահակ): Այդ նույնը չի կարելի ասել Սորենացու նույն ցուցակի մեզական մյուս թագավորների մասին, որոնք ինչպես պարզվում է, վերցված են 'Իրոդոր Սիկիլիացուց (տե՛ս գիրք 2-րդ, 32-րդ գլուխ), որին իր հերթին աղբյուր է ծառայել վատ պատմիչի համբավ ունեցող Կտեսիաս Կնիտացին¹:

Մեզական թագավորների այս անունները, որոնք Սորենացին պարզապես միացրել է հերոդոտյան ցուցակին, պատմական չեն: Ստացվել է այդպիսով մարաց թագավորների մի պատկառելի ցուցակ, որի մի մասը ճիշտ է. մյուսը՝ ոչ:

Հավաքելով Հայաստանի առանձին մասերում տարբեր ժամանակներում իշխող կառավարիչների անունները, Սորենացին ներկայացրել է նաև հայոց թագավորների մի ցուցակ ու հակադրել մեզական թագավորների ցուցակին²: Մի էական վերապահումով սակայն, որ ցուցակի վերջին երկու թագավորների անունները՝ Երվանդ և Տիգրան, որոնց նա հիշում է Մարաց վերջին թագավոր Աժգահակի (Աստիագեսի) դիմաց, լիովին պատմական են և, ի տարբերություն նրանց նախորդող անունների, հաստատվում են որպես իրական³: Նրանց պատմականությունը հանդես կգա, եթե մենք Սորենացու այս տվյալները զուգադրենք և համեմատենք այլ սկզբնաղբյուրների հետ: 5—4-րդ դարերի հույն պատմագիր Քսենոֆոնի «Կյուրոպեդիա» աշխատության օգտագործումը այս դեպքում, թվում է, թե կարող է օգուտ բերել գործին: Ըսկապես, եթե մենք համեմատելու լինենք Երվանդի ու Տիգրանի, հատկապես այս վերջինի մասին Սորենացու մոտ պահպանված տեղեկությունները (գիրք Ա, գլ. ԻԲ, ԻԴ-ԼԱ) «Կյուրոպեդիա» տվյալների հետ, ապա կտեսնենք, որ երկուսն էլ պատմական միևնույն ժամանակաշրջանին են վերաբերում:

«Հայոց պատմության» ԻԲ գլխի արդեն հիշատակված ցուցակում, Երվանդն ու Տիգրանը բերված են իբրև Կիաքսար թագավորի որդի՝ Մեդիայի վերջին թագավոր Աժգահակի⁴ ժամանակակիցներ, որը, ինչպես հայտնի է, իշխել է ն. մ. թ. 585—550 թվականներին: Հաջորդ գլուխներում (ԻԴ-ԼԱ) շարադրված դեպքերը ևս, որտեղ Տիգրան Երվանդյանի կողքին հանդես են գալիս Մարաց Աժգահակ թագավորն ու Պարսից Կյուրոս թագավորը, վերաբերում են, անկասկած, 6-րդ դարի այն ժամանակաշրջանին, որն Առաջավոր Ասիա-

¹ И. М. Дьяконов, Последние годы Урартского государства по ассирийско-вавилонским источникам. ВДП, 1951. № 2.

² Б. Б. Пиотровский, О происхождении армянского народа.

³ Սորենացին կարծես կուսել է տալիս այս հանգամանքը՝ նա մի քանի անգամ անդրադառնում է այս երկու անձնավորություններին (գիրք Ա, գլ. ԻԲ, ԻԴ-ԼԱ, ապա գիրք Բ, գլ. ԿԵ), այնինչ ցուցակի մյուս անձերը (բացառությամբ Պարուրի) «Հայոց պատմության» մեջ ոչ մի տեղ չեն հիշատակվում:

⁴ Տվյալ գեպքում պատմահայրը միահյուսում է հունական տեղեկությունները Աստիագեսի մասին, արևելյան առասպելների հետ աժի-գահակ հրեշ-վիշապի մասին: Տե՛ս И. М. Дьяконов, История Мидии, М.—Л., 1956, стр. 43.

յում նշանավորվեց մեղացիների իշխանությունն անկումով և պարսիկների իշխանության հաստատումով:

Ինչ վերաբերում է «Կյուրոպակիային», ապա նա իր վերնագրով ինչպես և իր բովանդակությամբ, ամբողջովին նվիրված է մեղական իշխանությունն պարսկականի փոխարինման ժամանակաշրջանին, անկախ այն բանից, որ Քսենոֆոնի մոտ տարբեր ողով է վերաբերված այն: Պորենացու Աղբի հիշված զլխի բովանդակության ժամանակագրական ղուգադիպումը Քսենոֆոնի «Կյուրոպակիա» աշխատության հետ, օրինաչափորեն պահանջ է առաջացնում նույնացնել այդ երկու աշխատություններում հիշված անձերին, հատկապես հալ թագավորներին, այսինքն՝ Պորենացու Երվանդին ու Տիգրանին. «Կյուրոպակիայում» հիշատակված Տիգրանի ու նրա հոր հետ: Սակայն Պորենացու Աղբի ԻԳ-ԼԱ զլուխների բովանդակությունը մի շարք կետերում չհղվում է «Կյուրոպակիայում» պահանջված տեղեկություններից:

Քսենոֆոնի քաղաքական այս վկայը զեռ վաղուց վերապահումներով է բնորոշվել ուսումնասիրողների կողմից: Բացասական տրամադրություններն առաջացել են հիշյալ երկի մեջ պահանջված ոչ ճիշտ տեղեկություններից, որոնք հայտնաբերվել են «Կյուրոպակիա» այլ աշխատությունների, հատկապես Հերոդոտի պատմության 1-ին գրքի հետ համեմատելիս, որը պարունակում է մեղական պատմության համառոտ պատմությունը, ինչպես նաև Աստիագեսի կրած պարտությունը Կյուրոսի կողմից ու պարսկական ցեղերի գերիշխանության հաստատման պատմությունը¹:

Ըստ Հերոդոտի մեղական պատմության (Վ գիրք, բաժին 96 և հաջորդ) պարզվում է, որ Նինվեն գրավող ու լյուդիացիների հետ պատերազմող Վիաքսար թագավորից (633—585) հետո, նրան հաջորդում է որդին՝ Աստիագեսը. մեղացիների վերջին թագավորը: Մյուս աղբիկ Մանգանան ամուսնանալով պարսիկ աղնվական Կամբյուզեսի հետ, ունենում է մի որդի՝ Կյուրոսին, որը մեծանալով, պարսկական ցեղերի օգնությամբ, ապստամբվում է իր պապից և 550 թ. սրան պարտության մատնելուց ու գերի վերցնելուց հետո, որպես պարսկական գերիշխանության հիմնադիր՝ դառնում է թագավոր:

Քսենոֆոնի «Կյուրոպակիայի» հիմքում ընկած են, ամենայն հավանականությամբ, այլ աղբյուրներ: Դրա համար էլ նա տարբերվում է Հերոդոտի պատմությունից՝ Նախ, այստեղ չկա Աթափալի ու Կյուրոսի մեջ եղած հակամարտությունների մասին («Կյուրոպակիա», գիրք III, զլուխ 3-րդ և հաջորդ), որոնց մասին նշվում է Հերոդոտի մոտ (գիրք I, 107, 108): Ապա, ըստ Քսենոֆոնի, Աթափալի մահից հետո մեղացիների զահի վրա է բարձրանում Կիաքսարը (II-ը) («Կյուրոպակիա», գիրք I, զլ. 5, 6), որը ոչ մի տեղ չի հիշատակվում որպես պատմական անձ, և որը Քսենոֆոնի հնարած անձնավորությունն է: Վերջապես, իշխանության անցումը մեղացիներից պարսիկներին, կատարվում է ոչ թե բռնությամբ, ինչպես հաստատվում է մի

¹ Հերոդոտի տվյալները հիմնականում ընդունված են որպես ճիշտ պատմական արդի երկերում: Տե՛ս օրինակ, A. T. O'mstead, The History of the Persian empire, Chicago, 1948, p. 34:

² Հերոդոտը (II, 95), հայտնելով իր ցանկությունը գրել Կյուրոսի մասին, ասում է, որ ինքը օգտագործելու է մի քանի պարսիկների պատմվածքներ, որոնք չեն ցանկանում չափից դուրս փառաբանել Կյուրոսին ու եղրափակում է. «սակայն ևս Կյուրոսի մասին գիտեմ ուրիշ երեք պատմվածքներ ևս». բայց երևույթին սրանցից մեկին, որոնցից խորշել է հույների պատմահայրը, ծանոթ է եղել ու օգտագործել է նաև Քսենոֆոնը:

շարք տվյալներով, այլ խաղաղ ճանապարհով՝ ու «Վյուրոպեդիայի» վերջին դիտում Վյուրոսը հանկարծ հայտնվում է որպես թագավոր:

Դսենոֆոնի այդ աշխատության մեջ հայանաբերված պատմական այս մի քանի անճշտությունները ավելորդ անգամ ապացուցում են, որ «Վյուրոպեդիան» հնարավոր է օգտագործել միայն այդ ժամանակաշրջանի պատմական եղելությունները ճիշտ պատկերող աշխատությունների հետ համեմատման մեջ դնելու եղանակով:

Սորենացու աշխատության 1-ին գրքի մեջ Տիգրան Երվանդյանի հետ կապված դեպքերը արդեն շատ ավելի մոտիկ են պատմական իրականությունը: Հիմնական մոմենտը՝ մեղական իշխանության բռնի փոխարինումը պարսիկների իշխանությամբ, այստեղ հիանալի վերարտադրված է: Միայն այն տարբերությամբ, որ այդ փոփոխության իսկաճան իրագործողը՝ Վյուրոսը, սավերի մեջ է թողնված, իսկ առաջին պլանի վրա է քաշված հայոց թագավոր Տիգրան Երվանդյանը: Սորենացին պատմում է, որ Տիգրան Երվանդյանի ժամանակակից՝ Աժդահակ մարաց թագավորը չարագուշակ երագներ է տեսնում (գիրք II, գլ. IԵ, IԶ) (այնպես, ինչպես որ Հերոդոտի մոտ Աստիագեսին տանջում են վատ երաղները I, 107, 108): Աժդահակին մտահոգում էր Տիգրանի ու Վյուրոսի դաշնակցությունը (Սորենացի, գիրք II, գլ. IԵ. «Վյուրոպեդիայում» Տիգրանը Վյուրոսի որսակիցն է ու ընկերը): Իայց նրա նենգ միջոցառումները անհետևանք են մնում, ու մի մեծ ճակատամարտում Տիգրան Երվանդյանը սպանում է անձամբ Աժդահակին (Սորենացի, II, IԵ), (Հերոդոտի մոտ Վյուրոսը պարտության է մատնում Աժդահակին ու գերի վերցնում. I, 128):

Այդպիսով, Սորենացու «Հայոց պատմության» 1-ին գրքի համադրումը «Վյուրոպեդիայի» հետ ու այն երկու աշխատությունների համեմատումը Հերոդոտի հաղորդած տեղեկությունների հետ, ցույց է տալիս, որ մ. թ. ա. 6-րդ դարում Հայաստանում, որպես մեղացիների վերջին թագավորի՝ Աժդահակի ու պարսիկների առաջին թագավորի՝ Վյուրոսի ժամանակակիցներ գոյություն ունեին հայ-արմենների Երվանդ Առաջին՝ Սակավակյաց կոչվող «թագավորը» ու նրա որդի Տիգրանը, որը հաջորդում է իր հորը հայկական գահի վրա:

«Վյուրոպեդիայում» պահպանված մի շարք տեղեկություններից կարելի է եզրակացնել, որ Աստիագեսի օրոք արմենների Երվանդ 1-ին թագավորը ապստամբվել էր ու պատերազմում էր մեղացիների դեմ (գիրք III, գլ. I, 10): Սակայն Աստիագեսին հաջողվում է արմենների լեռները պաշարելուց հետո պարտության մատնել անհնազանդ «դաշնակիցն» ու պարտադրում է նրան հարկ վճարել, ամրոցներ չկառուցել ու պահանջի դեպքում զորք տրամադրել մեղացիներին («Վյուրոպեդիա», գիրք II, գլ. 4, բաժին 13 և գիրք III, գլ. I, բաժ. 6):

Արմենների կողմից Աստիագեսին մուծված տարեկան հարկը 50 տաղանդ էր (նույն տեղում, գիրք III, գլ. I, 34), իսկ զորքի քանակը, որը արմենները պետք է պատերազմի դեպքում ներկայացնեին մեղական թագավորին.

¹ Որ Աստիագեսը ուժի միջոցով է զահնկեց արվել Վյուրոսի կողմից, զա հաստատում է հենց ինքը Դսենոֆոնը, իր մի այլ աշխատության՝ «Անարագիա»-ի մեջ (III գիրք, 4-րդ գլուխ, 8, 11, 12), երբ պատմում է այն մասին, թե ինչպես պարսիկները իշխանությունը իրենցին մեղացիներից, և թե ինչպես պարսից թագավորը պաշարեց Տիգրիսի շրջանում գտնվող մի մեղական քաղաք, որտեղ պատսպարվել էր մեղական թագուհին և այլ ն

հասնում էր 24.000-ի, որից 20.000 հեռակա, իսկ 4000 ձիավոր (Վյուերոպեղիա՝ գիրք 11, գլ. 1, բ. 6): Ըստ երևույթին արմեններին շատ դուրեկան չէր զբաղակցի՝ այս գրությունը¹, որովհետև այդ փաստորեն ենթադրում էր արմենների թագավորի կախվածությունը, թեկուզ և միայն արտաքին հարցերում: Նկատի ունենալով այս հանգամանքը, պետք է ենթադրել, որ արմենները մասնակցեցին այն խոտվությանը, որը Կյուրոսը նախապատրաստեց մեղացիների ու Աստիագեսի դեմ:

Արմենների ու Կյուրոսի մեջ կապող օղակի դեր էր խաղում, ըստ երևույթին, Երվանդ թագավորի որդի Տիգրանը, որը Կյուրոսի հետ լավ ծանոթ էր, հաճախ նրա որսակիցը լինելու պատճառով (Վյուերոպեղիա՝ գիրք 11, գլ. 4, 45, գիրք 111, գլ. 1, 44): Խորենացու մոտ ուղղակի ասված է, որ Աթա-հակի մտահոգության պատճառը, դա Երվանդի որդի Տիգրանի ու Կյուրոսի միջև հաստատված դաշնակցությունն էր. «բայց էր նիւթ այսպիսույ խոհականութեան դաշնաւորութիւն մտերմութեանն՝ որ ի Կիւրոսէ առ Տիգրան» — ասում է պատմիչը (գիրք Ա, գլ. ԻԵ) և որ այդ օրերին շատ վտանգ էր սպառնում Մարաց Աթահակին Կյուրոսի և Տիգրանի միաբանությունից (գիրք Ա, գլ. ԻԶ):

Չնայած այն բանին, որ Խորենացին Աթահակին տապալելու գործը վերագրում է Տիգրանին, այնուհանդերձ, սկզբից Տիգրանին պատկերում է որպես Կյուրոսին լուր օժանդակողի (Շոր և Կիւրոսի աջակցեալ, զՄարացն ի բաց բառնալով զիշխանութիւնս, գիրք Ա, գլ. ԻԴ):

Այս ևս ի նկատի ունենալով, Հերոդոտի \ գրքում (128-րդ գլ.) հաղորդած այն տեղեկության հիման վրա, ըստ որի մեղացիների ու պարսիկների ձախստամարտում մեղական բանակի մի մասը դավաճանեց, կարելի է ենթադրել, որ արմենական զորամասերը, որոնք պարտադիր կերպով մասնակցում էին մեղացիների ռազմական գործողություններին, այս դեպքում գտնվում էին նրանց շարքում և անցան Կյուրոսի կողմը ու նպաստեցին սրա հաղթանակին:

Մեղական պետություն քաջքայման հետևանքով արմենների Երվանդ թագավորը անկախ է դառնում, բայց կարճ ժամանակով: Ինչպես մանրամասն պատմում է Դսենոֆոնը, Կյուրոսը իր գործով արշավում է արմենների դեմ²: Կյուրոսի ձեռնարկած ռազմական այս միջոցառումները արմենների դեմ շատ հավանական է, որ կատարված լինեն պարսկա-լյուդական պատերազմի կա-

¹ «Կյուրոպեղիայում» (գիրք 11, գլ. 4, բ. 22) Կյուրոսը դիմելով մեղական ազնվականներին, ուղղակի հայտարարում է. «Արմենը առաջ դաշնակից էր ու հնազանդ Կիաքսարին»: (Այս Կիաքսարը Դսենոֆոնի երևակայության ստեղծագործությունն է, ուրևան այստեղ խոսքը Կյուրոսին նախորդող, մեղական ժամանակներին է վերաբերվում): Խորենացին ևս խոսելով Տիգրան Երվանդյանի մասին, հաղորդում է. «Սա նախ յառաջագոյն դաշնաւոր եղեալ Աշգահակայ, որ ի մարաց էր...» (գիրք Ա, գլ. ԻԴ):

² Կյուրոսի այս գործողությունները Դսենոֆոնը պատկերում է Ասաիադեսին հաջորդող մի ինչ որ Կիաքսարի թագավորության օրոք: Արդեն առիթն ունեցել ենք, բնագծելու այն միտքը, որ այս Կիաքսարը, որպես պատմական անձնավորություն զոյություն չի ունեցել, հետևապես Աստիագեսի մահից հետո կատարված գործերի հեղինակը պարսկական կայսրության հիմնադիր Կյուրոսն է: Ի միջի այլոց, Կյուրոպեղիայի Կիաքսարի ֆիկտիվ լինելու մասին կուսել է տալիս հենց ինքը՝ հեղինակը, որը նրան նկարագրում է որպես մի լավանի, թույլ ու անկամ մի մարդու, որն ամբողջովին ստվերի մեջ է, այն ինչ Կյուրոսը օրվա հերոսը, փաստորեն թագավորն է:

պակցութեամբ: 547 թ. Կյուրոսը դուրս է գալիս Էկրատանից, անցնում է Միջագետք, այնտեղից՝ Հյուսիսային Ասորիք, գրավում է Նինվին ու հավանորեն՝ նաև Խառանը: Այնտեղից, Հյուսիսային Արևելքի ու Կիլիկիայի վրայով անցնում է Կապադովկիա՝ Կրեսոսի դեմ: Նինվին ու Վերին Տիգրիսի շրջաններում գանձվելու ժամանակ է, որ Կյուրոսը հնազանդեցնում է Արմենիան¹:

Կյուրոսի մոտենալու լուրը առնելով, ըստ Փսենոֆոնի ծաղկեցրած տեղեկությունների, արմենների թագավոր Երվանդը իր որդի Սարարիսի (Շավարշ) հետ փախչում է լեռները, բայց ստիպված վերադառնում է, գաավում Կյուրոսի կողմից, բայց անգրանիկ որդու՝ Տիգրանի միջնորդությամբ հայրը փրկվում է մահից (գիրք III, գլ. 4, 1—31): Երվանդը հպատակվում է Կյուրոսին սեղացիների թագավոր Աստիագեսի ժամանակ եղած պայմաններով (24.000 զորք մատակարարել և 50 տաղանդ տուրք), միայն այն տարբերությամբ, որ զրամական հարկը 50 տաղանդից բարձրացվում ու հասցվում է 400 տաղանդի (գիրք III, գլ. 4, 34): Փսենոֆոնի ասելով, Կյուրոսը կարգադրում է նաև արմենների ու խալդայների միջև եղած անհամաձայնությունների հարցը, վերջիններին ևս հպատակեցնելով իրեն (գիրք III, գլ. 2):

Այս ձևով գործերը կարգավորելուց հետո Կյուրոսը հեռանում է և ուղևորվում լյուգիացիների դեմ, իր հետ տանելով նաև արմենական զորքեր (գիրք IV, գլ. 2, 10, գիրք IV, գլ. 3, 43, գիրք IV, գլ. 5, 1 և 4, 3, գիրք V, գլ. 4, 27): Հայկական զորքը մասնակցում է Կյուրոսի մյուս արշավանքներին. այսպես օր. 539 թ. Բաբելոնի դեմ: Արմենական զորքը թվով 24.000 էր բաբելոնական այս արշավանքի, ինչպես և նախորդ արշավանքների ժամանակ, ու բաժանված էր երկուսի՝ արմենական հեծելազորին առաջնորդում էր Երվանդի որդի Տիգրանը (գիրք V, գլ. 3, 42), իսկ արմենական հետևակին՝ էմվադը:

Այսպիսով, Կյուրոսը փաստորեն վերականգնում է Ասիական ժամանակ եղած գրությունը: Զորքի մատակարարումը նույնն է, միայն հարկն է բազմապատկվում: Իրությունը շատ չպետք է փոխված լիներ, երբ Փսենոֆոնի սոված տեղեկությունների համաձայն, Բաբելոնն ու Լյուգիան նվաճելուց հետո, Կյուրոսը իր պետությունը բաժանում է սատրապությունների ու նշանակելով սատրապներին, որոշում է հարկի չափը ու զորքի մատակարարման քանակը (Կյուրոպեգիա, 8-րդ գիրք, 6-րդ գլ. 1, 8, 11): Իր մահից առաջ, Կյուրոսը Կամբյուզեսին նշանակում է հաջորդ, իսկ երկրորդ որդուն՝ Թանաօքսարեսին՝ Մեդիայի, Հայաստանի ու Կաբուսիայի սատրապ (Կյուրոպեգիա, գիրք 7, գլ. 14)²:

... մ. թ. 6-րդ դարի Հայկական թագավորության տերիտորիան հնարավոր է որոշել: Պետք է ստիպված նշել, որ գոյություն ունեցող փաստերը թույլ չեն տալիս համաձայնվել ակադ. Մանանդյանի հետ, որը արժարժվող ժամանակաշրջանի Արմենիան տեղագրում էր Հայկական լեռնաշխարհի հարավում, Ծոփքում, Աղձնիքում. Վանա լճի հարավակողմում:³

¹ Տե՛ս, Olmstead, էջ 39:

² Վերև շարադրված դեպքերի մասին տե՛ս Հ. Մանանդյանի Քննական տեսություն հայ ժողովրդի պատմության, հատ. II, էջ 33 և հաջորդ: Մ. М. Дьяконов, История Мидии, էջ 33—34, 42—44, 350—356:

³ Տե՛ս «Քննական տեսություն հայ ժողովրդի պատմության», հատ. II, էջ 43:

Վերջին ուսումնասիրություններում ցույց է տրված, որ այդ թագավորությունն սահմանները շատ ավելի ընդարձակ են եղել¹:

Հասկանալի է, որ տվյալ հարցի պարզարանմանը որպես միակ աղբյուր կարող է ծառայել «Կյուրոպղեիան»։ Նրա մի շարք որոշակի տվյալները ամենայն ակնհայտությամբ ցույց են տալիս, որ Հայկական թագավորությունը սահմանակից էր Մարաստանին (տե՛ս գիրք II, գլ. 1, 6, — «Արմենները մեզ պահանջում էին», գիրք II, գլ. 4, 16 — Արմենիայի և Մեդիայի ընդհանուր սահմանի մասին, տե՛ս նաև գիրք II, գլ. 4, 20, 24)։ Երկու երկրների միջև սահմանը ամենայն հավանականությամբ, անցնում էր Հայկական լեռնաշխարհի արևելյան և հարավ-արևելյան հատվածներում։

Մյուս կողմից, Կոնոֆոնը հաղորդում է նաև արմենների մի այլ սահմանակից ժողովրդի՝ խալդայների մասին (տե՛ս գիրք III, գլ. 1, 34, ու գիրք III, գլ. 2, 1, 4)։ Սրանց տեղադրության հարցը ավելի բարդ է։ «Կյուրոպղեիան» միայն ասվում է, որ նրանց բնակավայրերը լեռներում էին։ Կոնոֆոնի մյուս աշխատությունում՝ «Անարադիսում» ևս, բացակայում է խալդայների երկրի կոնկրետ նկարագրությունը, թեպետ սրանք հիշատակվում են, երբ թվարկվում են այն ցեղերը, որոնց հույները հանդիպեցին իրենց նահանջի ժամանակ (տե՛ս գիրք VII, գլ. 8)։ Ավելի ուշ ժամանակաշրջանի հեղինակի՝ Դիոդորոս Սիկիլիացու մոտ մենք ունենք այն վկայությունը, ըստ որի Հայկական լեռնաշխարհի հյուսիսակողմում, Ֆասիս գետն (Արաքսի վերին հոսանքը) անցնելուց հետո, հույները մտան Սալգիական մարզը (գիրք XIV, գլ. 29)։ Մովսես Խորենացու տեղեկությունների համաձայն Պոնտոսի լեռներում էր գտնվում Սաղգիք մարզը (գիրք I, գլ. 76), որը անկասկած հանդիսանում էր խալդայների նախնի բնակավայրը։ Պետք է նշել նաև բյուզանդական բազմաթիվ հեղինակներին, որոնք Հայկական լեռնաշխարհի հիշված մասերը անվանում են Սալգիկա (Եվստաթեսոս, Ստեփան Ելուզանդացի, Կոստանդին Օրբանաժին)։ Այս մի քանի վկայությունները թույլ են տալիս տեղադրելու խալդայներին Փոքր Հայքի և Բարձր Հայքի լեռներում։ Այդ նշանակում է, որ նրանք սահմանակից էին Արմենիային հյուսիսից և հյուսիս-արևմուտքից²։ Այդպիսով ուրեմն, արմենական թագավորությունը, որը մի կողմից՝ Վանա և Ուրմիո լճերի միջև ընկած տարածություններում սահմանակից էր Մեդական պետությանը, իսկ մյուս կողմից Փոքր և Բարձր Հայքի լեռներում՝ խալդայական քաղաքներին, ընդգրկում էր պետք է կարծել, Ուրարտական պետության հիմնական տերիտորիան։ Այս միտքը իր հաստատումն է գտնում ն. մ. թ. 6-րդ դարի վերջին և 5-րդ դարին վերաբերող մի շարք հետաքրքիր տվյալներում։ Պարզվում է, որ հին պարսկական սկապդիք արձանագրություններում Արմինա և Ուրարտու անունները որպես համադր են դորձաձվում։ Ուրարտական պետության տերիտորիան արմենական քաղաքական նոր միավորման անունն էր ստացել, բայց

¹ Տե՛ս Շ. Կ. Երեմյան, Основные черты общественного строя Армении в эллинистическую эпоху, «Известия», 1948, № 11, стр. 34, 36 и И. М. Дьяконова, указ. соч., стр. 355.

² Б. Б. Пиотровский, История и культура Урарту, Ереван, 1944, стр. 329.

³ Եթե խալդայների նույնացումը խալիբների հետ ճիշտ համարենք, ապա առաջինների տեղադրությունը էլ ավելի հաստատուն է գտնում, այնքանով, որքանով այժմ պարզված է, որ խալիբները ապրում էին ճորոխի ակունքներում, Պարիզգրեսի լանջերին, այսինքն նույն Պոնտոսի լեռներում (տե՛ս Մ. Ի. Максимов, Античные города юго-восточного причерноморья, М.—Л., 1956, стр. 28—29).

երկու անուններն էլ զուգահեռաբար կիրառություն էին գտնում¹: Այդ նշանակում է, որ Վերմինա՝ անվան տակ, ենթադրվում էր Ուրարական պետության հիմնական տերիտորիան, առնվազն Վանա լճի ամբողջ ափագանը, Տիգրիս գետի վերին հոսանքի շրջանները և Արևելյան Եփրատի (Արածանի) հովիտը²:

Երվանդ II (ն. մ. թ. 5—4 դարերի շեմքին)

Կսենոֆոնի «Անաբազիս» աշխատության մեջ պարունակված են մի քանի կցկտուր տեղեկություններ 5-րդ դարի վերջի և 4-րդ դարի սկզբի Հայաստանի իշխանավորների մասին: Համաձայն այդ տեղեկությունների Հայաստանի սատրապն էր Օրոնտեսը, որը պատկանում էր պարսկական բարձր ազնվականությանը և հանդիսանում էր Արտաքսերքսես II Մենմոն պարսից արքայի փեսան: Պատմիչը հիշատակում է նաև Օրոնտեսի տրամադրությունն տակ գտնվող սատրապական զորքի մասին, ինչպես նաև նրա դպրակ-ամրոցի մասին, որին հանդիպեցին հույները Կենտրիտես գետի անցումից ոչ հեռու (տե՛ս գիրք III, գլ. 5, 17, գիրք IV, գլ. 4 1—3): Այս տվյալներից մի քանիսին մենք հանդիպում ենք նաև ավելի ուշ շրջանի պատմիչի՝ Պլուտարքոսի մոտ (Արտաքսերքսես, XXXII):

Կարևոր հանգամանք պետք է համարել այն փաստը, որ նույն այս Երվանդ-Օրոնտեսը հիշատակված է զեռես անցյալ դարում Փոքր Ասիայի տերիտորիայի վրա հայտնաբերված երկու արձանագրություններում, որոնք համեմատաբար քիչ են օգտագործվել հայագիտության մեջ: Արձանագրություններից մեկը փորագրվել է Պերգամոն քաղաքում և ժամանակակից է հենց իրեն Երվանդին³, Այս արձանագրություններում հիշատակվում է Երվանդի հոր՝ Արտաշիռի անունը, ապա այն, որ նա հանդիսանում է Արտաքսերքսես II-ի փեսան, ինչպես նաև մի շարք այլ տվյալներ, որոնց մենք առիթ կունենանք անդրադառնալու ստորև: Երկրորդ կարևոր արձանագրությունը, որտեղ նույնպես հիշատակվում է Երվանդը, փորագրված է Նեմրոթ-դաղում, Կոմմազեն երկրի թագավոր Անտիոքոս I-ի կողմից, և վերաբերում է ն. մ. թ. I դարին⁴: Անտիոքոսի նախնիների շարքում հիշատակվում է Երվանդը իր անվան հին պարսկական Արուանդ ձևով, բերվում է նաև հոր՝ Արտաշիռի անունը, ինչպես նաև նշվում է նրա՝ պարսից արքային ազգակից լինելու հանգամանքը: Եթե Օրոնտեսի մասին, որպես Հայաստանի սատրապի, գոյություն ունեցող տեղեկությունները վերևում մեջբերվածներով սպառվում են, մենք ավելի տեղյակ ենք նրա ճակատագրին Հայաստանից դուրս⁵:

Ինչ-ինչ պատճառներով, 4-րդ դարի սկզբին Օրոնտեսը տեղափոխվում է Փոքր Ասիա, որտեղ նա ծավալում է բուն գործունեությունը: Ըստ Դիոդո-

¹ Տե՛ս Դյուրենի Բենիստունի և Նակչիոուստեմի արձանագրությունները, ինչպես նաև Քսերքսեսի և Դյուրեն II-ի ժամանակաշրջանի արձանագրությունները, Բ. Բ. Պլուտարկոսի, նշված աշխատութ., էջ 136:

² С. Т. Еремян, Основные черты общественного строя Армении в эллинистическую эпоху, стр. 34.

³ Th. Reinack, La dynastie de Commagène (L'Histoire par les monnaies), Paris, 1890, p. 236.

⁴ K. Humann, O. Puchstein, „Reisen in Kleinasien und Nordsyrien“, Berlin, 1890, p. 283, 304.

⁵ Այդ մասին տես Iudeich „Kleinasiatische studien“ Marburg, 1892, p. 221 և 362—363 և G. Miller, Orontes, Pauly — Wissowa, Real-Enzyklopedie, 35-ter Halbband Stuttgart, 1939, pp. 1164—1166.

րոս Սիկիրիացու տվյալների, Տիրիբագի հետ միասին նա պատերազմ է վարում Կիպրոսի Եվագորաս թագավորի դեմ 386-384 թթ.: Ապա նա նշանակվում է Մյուզիայի սատրապ, իսկ 362 թ. հիշատակվում է Պերգամոնի վերը մեջբերված արձանագրության մեջ՝ Արտաքսերքսես II-ի դեմ կազմակերպված սատրապական ապստամբության կապակցությամբ: Դատելով Տրոգլոս Պոմպեոսի տվյալներից, 360 թ. Օրոնտեսը ետ է ստանում հայկական իր նախկին սատրապիան (prol. X): Հիշատակվում է Օրոնտեսը նաև 354 թ. Դեմոսթենեսի մի ճառում: Նրա կարիերան ավարտվում է 349 թ., երբ նա տապա-տան է գտնում Հունաստանում և հաստատվում Աթենքում:

Ն. մ. թ. 5-րդ դարի վերջի հայկական սատրապության տերիտորիայի հարցը վերջնականապես լուծված չլինելով, այն դուրի չէ որոշ հետաքրքրությունից: 6-րդ դարի հայկական թագավորության տերիտորիային անդրադառնալիս, մենք տեսանք, որ նա մի միասնական միավոր եղած պետք է լիներ: Մի միասնական երկրի մասին են խոսում հին պարսկական սեպագիր արձանագրությունները, որոնք հիշատակում են Արմինան (Ուրարտուն): Սակայն Հերոդոտի մոտ մենք արդեն ունենք վիսլություն այն բանի մասին, որ Հայկական լեռնաշխարհը բաժանված է եղել երկու՝ 13-րդ և 18-րդ սատրապությունների միջև: Ըստ այդ հանրահայտ տեղեկության, 13-րդ սատրապությունը ընդգրկում էր Պակտիկան, արմեններին և նրանց հարևաններին մինչև ծով, իսկ 18-րդ սատրապությունը՝ մատիններին, սասպելյներին և ալարոդ-ուրարտացիներին: Ուսումնասիրողները գտնում են, որ Հերոդոտի մոտ հիշատակված պարսկական կայսրության մեջ, այդ թվում նաև Հայկական լեռնաշխարհում, տեղի ունեցող վարչական փոփոխությունները կատարվել են Դարեհ 1-ի օրոք և որ նրանք վերաբերում են 500-ական թվականներին¹:

Այդ փոփոխությունների իմաստն այն է, որ Հայկական լեռնաշխարհի արևելքում վարչական մի նոր միավոր էր ստեղծվել, հանձինս 18-րդ սատրապության: Նա՝ այդ միավորը, կամ Արմենիայից անջատված տերիտորիայի վրա էր առաջացել, կամ Դարեհի օրոք Աքեմենյանների գերիշխանությունը տարածվել էր Հայկական լեռնաշխարհի դեռևս չգրավված շրջանների վրա: Չնայած այն բանին, որ երկու սատրապությունների և նրանց կազմի մեջ մտնող ցեղերի ու ժողովուրդների տեղադրման հարցը վիճելի է, այնուամենայնիվ հնարավոր է առաջարկել այդ հարցի հետևյալ լուծումը: 13-րդ սատրապությունը ընդգրկում էր Հայկական լեռնաշխարհի բուն տերիտորիան գլխավորապես 6-րդ դարի Արմենիան, իսկ 18-րդ սատրապությունը՝ Հայկական լեռնաշխարհի արևելյան մասերը, որոնք դեռևս չէին ներգրավված հալ ժողովրդի կազմավորման պրոցեսի մեջ²:

Այս կապակցությամբ ուզում ենք նշել, որ հնագիտական աշխատանքները, որոնք Պատմության ինստիտուտը տանում է Երևանի հարավ-արևելյան ծալ-րամասում գտնվող ուրարտական էրերունի (Արինբերդ) բերդում, կարող են որոշակի առնչություն ունենալ 18-րդ սատրապության և հաջորդապես նրա վարչա-ազգական կենտրոնի տեղադրման հարցերի հետ: Պեղումների ժամանակ ի հայտ բերվեցին մի շարք նյութեր, որոնց ժամանակագրական կերպարը ամնչվում է հատուրարտական էպիստալի նյութական կուլտուրայի հետ, մի հանգամանք, որը հնարավորություն տվեց Բ. Բ. Պիտրովսկուն ենթադրելու

¹ ... М. Дьяконов, История Мидии, стр. 340, 343.

² Նույն տեղում, էջ 355—356:

որ բերդում կյանքը շարունակվել է նաև աքեմենյան ժամանակաշրջանում: Ալեքսանդրի նյութերի շարքում պետք է հիշել հուլունքները, ձիու սանձը, խեղդենի մի մասը, նետի սլաքները և հատկապես 5-րդ դարի միլիթյան երկու արծաթե դրամներ¹: Առանձնապես մեծ հետաքրքրություն են ներկայացնում այս տեսակետից Արինբերդի ճարտարապետության հուշարձանները: Պեղումների ընթացքում բացված սյունազարդ դահլիճի ուսումնասիրությունը պարզորոշ տարբերում է կառուցողական երկու շրջան²: Առաջին, ուրարտական շրջանին է վերաբերում երկու շարքանի սյուներով երկարավուն սրահը, որը կառուցողական երկրորդ՝ հետուրարտական, աքեմենյան ժամանակաշրջանում վերափոխվել է մեծ քառանկյունի 6X5 սյաներով դահլիճի Շատ հավանական է, որ հատակաքանդակի իր առանձնատեսակներով այս դահլիճը ձայնակցում է աքեմենյան ընդունասրահների՝ ապարանա-ապարանքների հետ:

18-րդ սատրապության ստեղծման կապակցությամբ ուրարտական նախկին ամրոց էրեբունին, աքեմենյան հավանականությամբ, դառնում է սատրապի ղլխավոր նստատեղին, որտեղ կայսրության մայրաքաղաքների (Մուզա, Պերսեպոլիս և այլն) ճարտարապետական կոթողների օրինակով կառուցվում է սյունազարդ դահլիճը:

Երբ քննության առնենք Դսենոֆոնի «Անաբազիս» աշխատության տվյալները 5—4-րդ դարերի շեմքին Հայաստանի տերիտորիայի մասին, ապա անպայման պետք է հաշվի առնենք վերևում բերված մի քանի գիտողություններ 6-րդ դարի Հայաստանի տերիտորիային վերաբերող: Այդ չի նշանակում սակայն, որ 6-րդ դարի վերջերից մինչև 5-րդ դարի վերջերը Հայաստանի վարչա-տերիտորիալ կազմի մեջ փոփոխություններ տեղի չեն ունեցել: Ընդհանրապես, հայ ժողովրդի կազմավորման պրոցեսի ծավալումը թելադրում էր, ըստ մեր կարծիքի, նորանոր փոփոխություններ մտնել տերիտորիալ կառուցվածքի մեջ: Ընդհանրապես, պետք է նկատել, որ Աքեմենյանների քաղաքականությունը սատրապությունների նկատմամբ, զուրկ չի եղել որոշ ճկունությունից: Այդ է պատճառը, որ պատշաճ մոմենտին այս կամ այն սատրապությունը տրոհվել է մասերի, կամ, ընդհանրապես, մի քանի սատրապություններ միացվել են իրար մի միավոր ստեղծելու նպատակով: Նկատի ունենալով այս ամենը, համոզեցուցիչ չի թվում Հերոդոտի նշած 13-րդ սատրապության մեխանիկ նույնացումը Դսենոֆոնի «Արեմտյան Հայաստանի հետ և Հերոդոտի 18-րդ սատրապությունը Դսենոֆոնի, այսպես կոչված, Արենիյան Հայաստանի հետ»³: Խոսքը միայն նրա մասին չէ, որ ծավալի տեսակետից արդեն, Հերոդոտի մոտ հիշատակվող, 5-րդ դարի սկզբներին վերաբերող, տերիտորիալ միավորները չէին կարող համընկնել Դսենոֆոնի ժամանակաշրջանի միավորների հետ: Մեզ թվում է, որ անցած 100-ամյակում բուն վարչա-տերիտորիալ կառուցվածքում կատարվել էին նշանակալի փոփոխություններ:

Նախ, անհավանական է, որ Հերոդոտի 13-րդ և 18-րդ սատրապություն-

¹ Մ. Իսախանյան, Արինբերդի susl տաճարը և նրա արձանագրությունները, «Տեղեկագիր», 1937, № 9:

² Н. М. Лосева, Раскопки цитадели урартского города Иштуни Кснимк, № 58, Москва, 1955, стр. 47—50

³ Տե՛ս K. Lehman-Haupt, „Satrap“ Pauly's Real-Enzyklopädie der classischen Altertumswissenschaft, Neue Bearbeitung, zweite Reihe III Hb, Stuttgart, 1924, p. 1:8 և Н. М. Дьяконов, История Мидии, էջ 355—356:

ների տերիտորիաները համընկնեին Քսենոֆոնի Արեմտյան և արդի ուսումնասիրողների կողմից հորինված «Արեևկյան» Հայաստանների տերիտորիաների հետ: (Դսենոֆոնի մոտ հիշատակվում են Արեմտյան Հայաստան և Հայաստան ընդհանրապես): Վերցնենք, օրինակ, 18-րդ սատրապությունը և այսպես կոչված «Արեևկյան» Հայաստանը: Եթե 18-րդ սատրապությունը իսկապես տեղադրվում է Հայկական լեռնաշխարհի ամենաարևելյան հատվածներում, ապա «Արեևկյան» Հայաստանը, ինչպես պարզորոշ թիում է Քսենոֆոնի՝ հույների նահանջի նկարագրությունից, ընդգրկում էր լեռնաշխարհի գերազանցապես հարավային շրջանները (օր. Վանից հարավ) և նույնիսկ հարավ-արեմտյան այնպիսի մի հատված, ինչպիսին Տիգրիսի ակունքների շուրջը գտնվող տերիտորիան¹:

Այդ պատճառով էլ, նույնիսկ, եթե մենք պաշտպանենք Քսենոֆոնի ժամանակներում երկու իրարից որոշակիորեն սահմանագծվող միավորների մասին գոյություն ունեցող տեսակետը, ապա պետք է ընդունենք, որ Հայկական լեռնաշխարհի տերիտորիան նրանց մեջ է բաշխվել այլ կերպ, քան 13-րդ և 18-րդ սատրապությունների մեջ: Սակայն, մեզ թվում է, որ ավելի ճիշտ են նրանք, ովքեր կարծում են, որ Դսենոֆոնի ժամանակ գոյություն ունեին ինչպես օ-րդ դարի թագավորությունների օրերին մի միասնական Արեմեհիա, որի ենթաշրջանն էր Արեմտյան Հայաստան կոչված միավորը: Այս հարցում ելնում են նախ այն փաստից, որ Օրոնտեսի իշխանության տակ գտնվող տերիտորիան (չհաշված Արեմտյան Արմենիան) ընդգրկում էր Հայկական լեռնաշխարհի նշանակալից մասը (նրա հարավային կեսը՝ Վանի ավազանը, Տիգրիսի ակունքները, Ծոփքը, Կոմագենը և շատ հավանական է նաև Հայկական լեռնաշխարհի արևելյան շրջանները, ըստ երևույթին 18-րդ սատրապության հիմնական տերիտորիան): Ի դուրս է, որ Դսենոֆոնը շեշտում է Օրոնտեսին պատկանող երկիրը ընդարձակ լինելու մասին (տե՛ս «Անաբազիս», գիրք III, գլ. 5, 17): Հնարավոր էր, ուրեմն, որ Օրոնտեսին ենթարկվիր ամբողջ լեռնաշխարհը, ոչ միայն նրա մեծ մասը: Այդ մասին է ակնարկում նաև Քսենոֆոնի այն վկայությունը, որ Օրոնտեսը իշխում է Արմենիայի վրա ընդհանրապես, և ոչ թե ինչ որ նրա մի մասի վրա («Անաբազիս», նույն տեղ): Բոցև ալստեղ Արմենիա անունը ունի այն լայն առումը, որ գործածական էր Դսենոֆոնի մյուս «Վյուրոպեդիա» աշխատության մեջ կամ Արեմեհիան արձանագրություններում:

Հաշվի էր առնվում նաև այն տարրերակումը, որ Դսենոֆոնը անց է կացնում Օրոնտեսի և Տիրիքազի պաշտոնները անվանելիս (առաջինին նա անվանում է սատրապ, երկրորդին հյուպարքոս) և ի նկատի ունենալով պարսկական պաշտոնյաների հիերարխիայում գոյություն ունեցող տարբերությունները, եզրակացնում էին, որ Տիրիքազը ստորադասված էր երկրի ընդհանուր կառավարչին՝ Օրոնտեսին: Վերջապես, պարսկական կայսրության մեջ

¹ Նշված հանգամանքը հերքում է «Արեևկյան» Հայաստանի գոյության հնարավորությունը: Տե՛ս այդ մասին, E. Honigsmann, Kommagene, Pauly's Real-Encyclopedie der Klassischen Altertumswissenschaft, Supplementband, IV, p. 1980, նաև Դ. Դավան, Страна Коммагена и Армения, «Известия», 1956, № 3, стр. 72.

² O. Leuze, Die Satrapieneinteilung in Syrien und im Zweistromlande von 530—320 v. Chr., Halle, 1935, pp. 172, 181. և 2. Մանանդյան, Քենական տեսություն հայ ժողովրդի պատմության, Երևան, 1944, էջ 65:

երկուսի զրաւած դիրքերի բազդադումը Օրոնտեսի օգտին էր խոսում, որպէս ավելի նշանավորի: Ահա այս մի քանի հանգամանքները կարծես թույլ են տալիս ենթադրելու, որ 5-րդ դարի վերջին վերականգնվել էր միասնական Արմենիան, որի ընդհանուր իշխանավորը հանդիսանում էր Օրոնտեսը¹: Դրա հետ մեկտեղ այդ Արմենիայում ստեղծվել էր մի ենթաշրջան «Արեւմտյան Արմենիա», որի կառավարիչն էր Օրոնտեսի ստորադաս Տիրիբազը: Այս նոր միավորը, պետք է ենթադրել, հանդիսացավ ապագա Փոքր Հայքի տերիտորիալ հիմքը:

Երվանդ III (ն. մ. թ. 4-րդ դարի երկրորդ կես)

Հին Հայաստանի պատմութեան ն. մ. թ. 4-րդ դարի առաջին կեսը կատարյալ մթուժյան մեջ է: Կենսոփոխի 5-րդ դարի վերջերին և 4-րդ դարի սկզբներին վերաբերող հանրահայտ տեղեկութուններից հետո, մենք ոչ մի տրվյալ չունենք հաջորդ տասնամյակների մասին: Միայն Արտաքսերքսես 3-րդ Օխոսի (358—338) պարսկական թագավորի գործունեութունը սկզբնաղբյուրներում շարադրելու կապակցութեամբ հայտնի է դառնում, որ Հայաստանի սատրապն այդ ժամանակ ոմն Կոդոմանոսն էր, ապագա Դարեհ թագավորը, որը կապուսիացիների դեմ մղվող պատերազմում ցուցաբերած քաջագործութունների դիմաց ստացել էր հայկական սատրապիան (Justin, գիրք X, գլ. 3): Երբ Կոդոմանոսը 336 թ. հռչակվեց թագավոր, Հայաստանի սատրապի պաշտոնում նրան փոխարինեց 400-ական թ. Հայաստանի իշխանավոր Օրոնտեսի որդին կամ թոռը: Նա, նույնպես կրում էր Օրոնտես անունը և ինչպես տեղեկացնում է մեզ Արրիան պատմիչը (գիրք 3-րդ, 5, 8) Միթրաոսթեսի հետ միասին հանդիսանում էր հայկական գործի հրամանատարը Արեւելյի ճակատամարտում (334 թ.): Ինչպես ցույց է տվել ակադ. Մանանդյանը, կան բոլոր հիմքերը պնդելու, որ Աքեմենյան կայսրութեան փլուզումից հետո, 331—330 թթ. Օրոնտես սատրապը իրեն հայտարարեց Հայաստանի անկախ կառավարիչ²: Այդպիսին նա շարունակեց մնալ նաև հաջորդ տարիներին: Այդ մասին են ակնարկում Դիոդորոս Սիկիլիացին (գիրք 19-րդ գլ. 23) և Պոլինը (գիրք 4-րդ, 8), որոնք Օրոնտեսին հիշատակում են 317 թ., դիադոխների պատերազմների կապակցութեամբ:

Շատ հնարավոր է, որ Դիոդորոսի մոտ հիշատակված Արդոատես թագավորը (գիրք 31-րդ, գլ. 19), որի օգնութեամբ Արիարաթ II-ը բարձրացավ կապադովկիայի գահի վրա 301 թ.³, հանդիսանում էր նույն Օրոնտեսը, որը

¹ Ըստ երևույթին, օգտվելով Արմենիայի ընդհանուր իշխանավորի իրավունքներից է, որ Օրոնտեսը հրավիրել էր վարձկան խալդայներին իր բանակի մեջ, եթե նկատի ունենանք, որ վերջինները սահմանակից էին, պետք է կարծել, միայն Տիրիբազի Արեւմտյան Հայաստանին:

² Տե՛ս «Քննական տեսութուն հայ ժողովրդի պատմութեան», հատ. Ա, էջ 93—97:

³ Հ. Մանանդյան, Քննական տեսութուն հայ ժողովրդի պատմութեան, տե՛ս էջ 98, անվան տարբեր մեկնաբանութունների մասին: Արտանդ-Երվանդ կարգալն են առաջարկում Մարկվարտը, Դրոյզենը, նաև ինքը՝ Մանանդյանը: Ավելացնենք նաև Ադոնցի «Histoire de l'Arménie», էջ 330: Ինչ վերաբերում է թագավորական տիտղոս, ապա նա պահպանվել է այս դինաստիայում նաև հաջորդ ժամանակներում (օր. համեմատիք Անտիոքոս Կոմագենացու նախնիների ցուցակը Նեմրութ-դաղի արձանագրութեան մեջ K. Human, O. Puchstein, հիշվ. աշխ., էջ 286 և հաջորդ, տե՛ս նաև Արմավիրի № 4 արձանագրութունը, K. B. Treveser, Очерки по истории культуры древней Армении, М.—Л. 1954, стр. 134.

ընդունել էր թագավորական տիտղոս, որպես հետևանք Հայաստանի հասարակության ներքին զարգացման, որը պահանջում էր պետական իշխանությունների, ավելի բարձր ձևեր, ինչպես նաև Առաջավոր Ասիայի քաղաքական կյանքի կայունացման շնորհիվ, որը հանգեց հելլենիստական միապետությունների ձևավորմանը և ստեղծմանը:

Նեմրուծ-դադի Անտիոքոս Կոմմագենացու հիշված արձանագրությունը ևս խոսում է այն բանի օգտին, որ 4-րդ դարի վերջին Հայաստանում իշխում էր Արուսեհ (Օրոնտես, Երվանդ) թագավորը, մի փաստ, որը չէր հակասում երկրի զարգացման ընդհանուր տենդենցին, և որը հաստատում է Դիոդորոս Սիկիլիացու տվյալները:

Զառազանց հետաքրքիր է, որ Օրոնտեսը՝ Հայաստանի կառավարիչը 4-րդ դարի երկրորդ կեսում հիշատակվում է նաև Մովսես Խորենացու «Հայոց պատմություն»-ում: Նշելով, որ Սանատրուկ թագավորի մահից հետո Հայաստանում ծագեց խառնաշփոթություն, նա գրում է, «քանզի Երուսեղ ոմն, որդի կնոջ Առշակունույ, թագաւորէ յուրեւորդ ամի Դարեհի վերջնոյ» (գիրք Ի, գլ. լե (37): Այնքանով, որքանով Խորենացու Դարեհ վերջինը հանդիսանում է Աքեմենյան վերջին թագավոր Դարեհ Կողմանոսը, որին դահլիճից արեց Ալեքսանդր Մակեդոնացին, ապա նույն Խորենացու Երվանդը ոչ այլ ոք է, քան սատրապ Օրոնտեսը, որը մասնակցել էր Արեւելյի ճակատամարտին, դարձել էր անկախ Հայաստանի կառավարիչ և ապա թագավոր:

Ինչ վերաբերում է ն. մ. թ. 4-րդ դարի վերջի Հայաստանի տերիտորիային, ապա նա մոտավորապես պետք է համընկներ Քսենոֆոնի ժամանակաշրջանի Հայաստանի տերիտորիայի հետ, և պետք է ընդգրկած լիներ Կոմմագենը, Ծոփքը, Աղձնիքը, Վանա լճի ավազանը, ինչպես նաև Հայկական լեռնաշխարհի կենտրոնական և արևելյան մի շարք շրջաններ: Դուրեց նշված ժամանակաշրջանի համար ավելի շատ հիմքեր գտնվեին Այրարատը ևս ն. մ. թ. 4-րդ դարի վերջի Արմենիայի կազմի մեջ համարելու համար: Այդ դեպքում հավանական է, որ Արմենիայի մայրաքաղաքը լիներ Արմավիրը: Ինչպես հայտնի է, այդ բանի մասին հեռավոր արձագանքներ են պահպանվել պատմահայր Մովսես Խորենացու «Հայոց պատմություն»-ում: Ինչ վերաբերում է ընդհանուր Արմենիայի ենթաշրջան Արեմայան Հայաստանին, որի կառավարիչը, ամենայն հավանականությամբ արդեն հիշատակված Միթրոստեսն էր, ապա հնարավոր է, որ անջատվելով, նա կազմեց մի ուրույն միավոր, որին հին աշխարհի պատմիչները հիշում են Փոքր Հայք անվան տակ:

Հայաստանի ն. մ. թ. 3-րդ դարի, հատկապես նրա առաջին կեսի պատմությունը նույնպես անծանոթ է մնում մեզ: Փաստերը թույլ են տալիս բացահայտելու առաջիկա երկու դործոն, որոնք ավել կամ նվազ չափով պայմանավորում են երկրի զարգացումը տվյալ ժամանակաշրջանում: Մեկը, դա նրկրի սոցիալ-տնտեսական զարգացման անհավասարությունը, անհամաչափությունն էր, մյուսը՝ Սևեղյան աշխարհակալ պետության դրացիությունը, որի անբարերար ազդեցությունը Երվանդունիների պետության գոյություն վրա իրեն հատկապես զգացնել տվեց: Այսպես, օրինակ, Հայաստանի հարավ-արևմտյան շրջանները՝ Ծոփքն ու Կոմմագենը, ներգրավվելով Առաջավոր Ասիայի հելլենիստական երկրների տնտեսական վերելքի շարժման մեջ, անջատվեցին և կազմեցին մի առանձին պետություն, որի մայրաքաղաքն էր Սամոսատը և ապա Արշամաշատը և թագավորները Երվանդունիների դի-

նաստիալից էին¹, որի մյուս ճյուղը շարունակում էր իշխել Այրարատում և մի շարք այլ շրջաններում: Մյուս կողմից, ն. մ. թ. 2-րդ դարի կեսին վերաբերվող փաստերը ցույց են տալիս, որ Սելևկյանները ակտիվացնելով իրենց քաղաքականությունը Հայաստանում, հաստատվել էին նրա տերիտորիայի մի շարք հատվածներում և ստեղծել այնտեղ իրենց ենթակա մարզեր-ստրատեղիաներ: Այս պայմաններում արևելյան երվանդունիների տիրույթները, պետք է ենթադրել, համընկնում էին Այրարատ նահանգի տերիտորիայի հետ: Այդ մասին են վկայում Մ. Խորենացու տեղեկությունները, ինչպես նաև տեղագրական տվյալները:

Երվանդ IV, վերջին (3-րդ դարի վերջ, 2-րդ դարի սկիզբ)

Այս իշխանավորի մասին հանգամանորեն է խոսում Մովսես Խորենացին իր Շնչուց պատմության Բ գրքի լե (37) — խթ (49) գլուխներում: Ինչպես ակադ. Մանանդյանն է ցույց տվել, Խորենացին այստեղ սխալմամբ պատկերում է մ. թ. 1-ին դարի Արշակունիների ցեղից մի ինչ որ երվանդի, այնինչ խոսքը Արտաշես 1-ին նախորդող երվանդունիների ներկայացուցչի մասին է, որին պատմահայրը շփոթել է Եգեսիայի Արգար թագավորի որդի Արբանդեսի հետ²: Հույն աշխարհագիր Ատրաբոնը ևս իր աշխատության Հայաստանին նվիրված գրքում (գիրք 11-րդ) համառոտ, բայց կարևոր ցուցումներ է տալիս երվանդ վերջինի ու Արտաշես 1-ի մասին:

Թվում է, թե նույն այս ժամանակաշրջանին են վերաբերում Արմավիրում գտնված հունարեն արձանագրությունները, որոնք ակադ. Մանանդյանը ուղղակի երվանդ վերջինի հետ է առնչված համարում³:

Երվանդի թագավորության տարիները նշանավորվեցին շինարարական այն գործունեությամբ, որ ծավալվեց Այրարատում: Հնունալով Արմավիրից, — հայկական երվանդյան պետության հնագույն մայրաքաղաքից — երվանդը տեղափոխվում է Ախուրյանի ու Արաքսի միավորման տեղը, որտեղ ժմակապոր ապառաժ բլուրի վրա՝ կառուցում է իր նոր մայրաքաղաք երվանդաշատը (գիրք Բ, գլ. 1Թ): Երվանդ վերջինի շինարարական գործունեության հետ կապված պետք է լինեն նաև երվանդակերտ ձևակերտի, երվանդավան ավանի, Բադարան սրբավայրի կառուցումը:

Մայրաքաղաքի տեղափոխումը Արմավիրից երվանդաշատ, իհարկե, միայն կրիմայական պատճառներով չի բացատրվում, ինչպես ուզում է մեզ հավատացնել Խորենացին (գիրք Բ, գլ. 1Թ): Ակադ. Մանանդյանի կարծիքով այստեղ ավելի լուրջ պատճառներ էին իրենց զգացնել տալիս, ամենից առաջ քաղաքական կարգի, որոնք բխում էին երվանդ — Արտաշես մրցակցությունից⁴: Սելևկյան Անտիոքոս III թագավորի ստրատեգ Արտաշեսի գոյությունը, որը, պետք է ենթադրել, կառավարում էր Վանա լճի ավազանում և Արածանիի վերին հոսանքում, նշանակում էր, որ վաղ թե ուշ Հայաստանի տիրոջ հարցը պետք է մեկի կամ մյուսի ոգտին վճռվեր:

Ինչպես կարելի է հետևել Ստրաբոնի երկու կարևոր վկայություններից (11 գիրք, գլ. 1Է, բաժ. 5 և 15), Արտաշեսը արդեն 189 թ. առաջ,

¹ Г. Тирация, Страна Коммагена и Армения. „Известия“, 1976, № 3, стр. 73.

² „О торговле и городах Армении“, էջ 96—98, «Քննական տեսություն հայ ժողովրդի պատմության», հատ. Ա, էջ 126—127, «Արմավիրի հունարեն արձանագրությունները նոր լուսարանությամբ», էջ 27:

³ «Արմավիրի հունարեն արձանագրությունները նոր լուսարանությամբ»:

⁴ «Քննական տեսություն հայ ժողովրդի պատմության», հատ. Ա, էջ 126—127:

աշխենքն, Սեղեկյանների պարավելու հետևանքով թագավոր զառնալուց առաջ, նվաճել էր Ալլարատը ու Երվանդ IV-ի սպանությունից վերջ տվել Երվանդյան դինաստիային: Ըստ Խորենացու տվյալների, Արտաշեսը Ուտիքի վրայով, Սև-վանի հյուսիս-արևելյան ափով ու Արագածի թիկունքով, շարժվում է Երվանդի բանակի դեմ, որը դառնում էր Երվանդաշատից 300 առաքարեկ հեռավորություն վրա, Ախուրյանի հյուսիսային կողմերում (գիրք Բ., գլ. ԽԵ, ԽԶ): Ծա-կատամարտը տեղի ունեցավ Երվանդավան վայրում ու Երվանդի բանակը խիստ պարտություն կրեց: Երվանդը փախուստի դիմեց դեպի իր մայրաքա-ղաքը, աշխտեղ պատսպարվելու համար: Արտաշեսի զորավար Մարտաթ (գրմ-վար է տեսել, թե արդյոք նա ն. մ. թ. 2-րդ դարի դեմք է) հետապնդելով նրան, զալիս է ու պաշարում Երվանդաշատը: Այստեղ նրան միանում է Ար-տաշեսը, որը ափրացել էր արդեն Երվանդի դաստակերտին՝ Երվանդակերտին: Արտաշեսի բանակը լցվում է քաղաք, իսկ զինվորներից մեկը վաղորով սպա-նում է Երվանդին, որը թագավորել էր 20 տարի (Խորենացի, գիրք Բ., գլ. ԽԶ). դրանից հետո Արտաշեսը լիկվիդացնում է Երվանդյան իշխանության վերջին ֆեոդոսը, գրավելով Բաղարանը ու սպանելով Երվանդի եղբոր՝ Երվազին: Ծառ հնարավոր է, որ Սևանի շրջանում հայտնաբերված արդեն 5 արամեադարյան կոթողները ուղղակի առնչություն ունենան Արտաշես-Երվանդ մրցակցության տարրեր հանդամանքների հետ: Արտաշեսի անունից վերա-գրված այս արձանագրությունների մեկնարանումը վերջնական չլինելով հան-դերձ, թույլ է տալիս առաջարկել նրանց բմրոնման հետևյալ վարկածնոր: Եթե արձանագրության մեջ հիշատակվող Երվանդական-Երվանդական տերմինը վերաբերում է Արտաշեսին, ապա դա չափազանց հետաքրքիր մի փաստ է Երվանդի ու Արտաշեսի միջև թշնամանքի զուգակցության պայմաններում: Այս դեպքում պետք է ենթադրել, որ հուշակետով իրեն Երվանդունի, Արտաշեսը ձգտել է տալ իր արարքին քիչ թե շատ օրինական բնույթ, նվազեցնել իր հանդեպ ստեղծված աննպաստ տպավորությունը՝ չափերը, միևնույն ժամանակ հուշակետով իր թագավորական ծագումը (ալեքանով, որքանով ինքը թագավո-րական տոհմից չէր սերվում, իսկ Երվանդ վերջինը և իր նախորդները թա-գավորական տիպոս էին կրում) և ի վերջո՝ հայտարարել Երվանդունիների միջնորդությունից իր և Արտաշեսյանների կրթման հզոր տոհմի ազդակցական կապերի մասին¹:

Պետք է նշել, որ ն. մ. թ. V|-I] դարերի պատմության կարևոր հարցե-րը, կապված Հայաստանի տերիտորիայի և Հայաստանում իշխող դինաս-տիայի հետ, զեռ չեն գտել իրենց վերջնական լուծումը:

Այժմ զեռ դժվար է պնդել ամենաշն վճռականությամբ, որ նշված ժա-մանակաշրջանում Հայաստանում իշխում էր անընդմեջ մի միասնական դի-նաստիա: Այդ դինաստիայի ծագման մասին զուգակցում ունեցող փաստերը կարելի էլինի բաժանել երկու խմբի: Առաջին խմբին են վերաբերում բոլոր այն վկայությունները, որոնք Երվանդունիներին այս կամ այն կերպ սերված են համարում Արտաշեսյաններից կամ նրանց մերձավորներից: Հայտնի է, օրինակ, Երվանդ IV վերջինի մասին Ստրաբոնի վկայությունը, ըստ որի նա սերված է համարվում Դարեհ I-ի զինակիցներից մեկից՝ Հիդարնեսից: Կա-

¹ Այս մասին տե՛ս Գ. Տիրացյան, Արտաշես I-ի նորագյուտ արձանագրությունը, «Տեղեկագիր», 1957, № 10:

րևոր է այս տեսակետից նաև Կոմմագենի Անտիոքոս թագավորի արձանագրությունները այնքանով, որքանով Երվանդունիները մտցված են Դարեհ I Աքեմենյանի հաջորդների ցանկի մեջ: Սակայն պետք է նշել, որ այստեղ կոչված ալն վկայությունը, որ Երվանդը (II-ը), հանդիսանալով Արտաքսերքսես II Մենմոնի փեսան, ազդակից էր Աքեմենյաններին ամուսնությունում: Այս տեսակետից արձանագրությունը լիովին համընկնում է Դսենոֆոնի, Պլուտարքոսի ինչպես նաև Պերգամոնի արձանագրության տվյալների հետ: Եթե ի մի բերենք վերը հիշատակված բոլոր վկայությունները, ապա կարելի կլինի անել նախնական հետևյալ հետևությունները: Երվանդ II, III և IV ծագում են ն. մ. թ. V] դարի երկրորդ կեսում ապրող անձնավորությունից՝ Հիդարնեսից, և ամուսնական կապերի մեջ են եղել Աքեմենյանների տոհմի հետ: Երվանդունիների Աքեմենյան ծագում ունենալու տեսակետը դուրկ չէ, անկասկած, պատմական ուսումնասիրության հիմքերից, բայց պետք է ենթադրել, որ նա, ամեն առիթով, հատկապես բնագծով և ուղեցծով էր: Այս հանգամանքը իր բացատրությունն ունի Առաջավոր Ասիայում աքեմենյան տրադիցիաների կենսունակության մեջ: Պատահական չէ, օրինակ, որ Փոքր Ասիայի իշխանավորներից շատերը իրենց ծագումը բերում հասցնում էին Աքեմենյաններից որևէ մեկին¹:

Երվանդունիների ծագմանը վերաբերող փաստերի երկրորդ խումբը պակաս հետաքրքիր չէ: Նա կապված է ն. մ. թ. V] դարի առաջին կեսին, Հայաստանում իշխող Երվանդ Սակավակյաց թագավորի անվան հետ: Եթե անվան նույնությունը (մեզ հայտնի չորս Երվանդների) համարենք ապացույց մի միասնական գինաստիայի գոյության մասին, ապա կասկած չի կարող լինել, որ այս դեպքում Երվանդունիների գինաստիան իր ծագումը առնում է դեռևս տրադիցիայից: Դա ամրապնդված է մեզ համարմանակալ միջավայրից: Ուրարտական պետության կործանումից հետո, ստեղծվում է Երվանդունիների հալկական թագավորությունը, իսկ թագավոր է դառնում Երվանդ Սակավակյացը, ապա Տիգրանը: Աքեմենյանները, ոչնչացնելով Հալկական պետությունը, հալածական է, որ երկրի կառավարումը հանձնում են Երվանդունիների տոհմից եղածներին, Երվանդ I-ի հաջորդներին, որոնք հանդես են գալիս արդեն որպես կայսրության սատրապներ: Նրանք ուժեղ կերպով պարսկականացած լինելով, վերածվում են երբեմն կայսրության նշանակալի պաշտոնյաների, ինչպես ցույց է տալիս Երվանդ II-ի օրինակը: Նրանց հեղինակությունն ու դերը բարձրանում է ալն կապակցությամբ, որ Երվանդ II-ը ամուսնանում է արքայից արքայի աղջկա՝ Ռոդոգունայի հետ: Փաստերի այս երկրորդ խմբից բխող հետևությունները, մի միասնական գինաստիայի գոյության մասին, վերջնական չի կարելի համարել: Ենթադրելով, որ հաղթահարել այդ հետևությունը հակադրվող երկու տվյալներ՝ Պերգամոնի, բազմիցս հիշատակված արձանագրության տեղեկությունը Երվանդ II-ի բակարիական ծագման մասին և Ստրաբոնի վկայությունը Երվանդունիների Դարեհի գինակից Հիդարնեսից սերված լինելու մասին: Այս տվյալները խախտում են առաջիմ մեր պատկերացումները Երվանդունիների միասնական գինաստիայի գոյության մասին, և թույլ են

¹ Այդպես, օրինակ, Պոնտոսի թագավորները (Պոլիբիոս, գիրք 2-րդ, բաժին 43) և Կապադովկիայի թագավորները (Դիոդոր Սիկիլիացի, գիրք 31-րդ) սերված էին համարվում Դարեհ I Աքեմենյանի արյունակիցներից: Հանրահայտ է նաև Անտիոքոս I-ին Կոմմագենի թագավորի օրինակը (տե՛ս բազմիցս հիշատակված Նեմրուծ-դադի արձանագրությունները):

տալիս ենթադրելու նաև, որ Երվանդ Վ-ով Հայաստանում սկսել է իշխել մի նոր դինաստիա, որը գուցե անմիջական կապ չունի Վ դարի հալ իշխանավորների հետ:

Մեկ հետաքրքրող ժամանակաշրջանի տերիտորիայի հարցերը մասամբ կախված են վերը քննարկվող դինաստիական հարցերի լուծումից:

Հիմնական հարցը այստեղ հետևյալն է. արդյոք շարունակե՞ց գոյություն ունենալ ն. մ. թ. 6-րդ դարի միասնական Արմենիան նաև հաջորդ դարերում: Պարզ է, որ այդ հարցի պատասխանը որոշ իմաստով կախված է Երվանդունիների, տվյալ դեպքում Երվանդ Վ ու Երվանդ Վ, ազգակցական ռեալ կապերից: Եթե այդպիսիք իսկապես գոյություն են ունեցել և Երվանդունիները իրենց համարել են մի դինաստիայի անդամներ, ապա դա գուցե մի լրացուցիչ փաստարկ կարող է համարվել աքեմենյանների ժամանակաշրջանում միասնական Արմենիայի գոյություն մասին: Այդ դարերում է, որ անդիմադրելի ուժով շարունակում է ծավալվել հալ ժողովրդի կազմավորման պրոցեսը, որն ընդգրկում էր նորանոր տերիտորիաներ, ձուլում լեռնաշխարհում հնամենի ժամանակներից բնակվող ցեղեր ու ցեղախմբեր: Այս պրոցեսը բնավ էլ կանգ առած չպիտի լինի նաև ն. մ. թ. Վ դարում ստեղծված քաղաքական անկաստ պայմաններում: Երվանդունիների պետությունը տրոհվում է, Հայկական լեռնաշխարհը բաժանվում է մասերի: Այրարատում շարունակում են իշխել արևելյան Երվանդունիները, Ծոփքում ու Կոմմաղենում արևմտյան Երվանդունիները, Հայկական լեռնաշխարհի մի շարք հատվածներում Սելևկյաններն են իրենց գերիշխանությունը հաստատում:

Չնայած այս դրությունը, հալ ժողովրդի կազմավորման հաջող ընթացքը մի կողմից և դատարարագլին հասարակության էլ ավելի խորը ձևավորումը մյուս կողմից, բարենպաստ պայմաններ են ստեղծում նոր միասնական պետության առաջացման համար: Նշված պրոցեսների հետ անխզելիորեն կապված է Հայկական լեռնաշխարհի միավորումը Արտաշես Վ-ի օրոք: Դա քաղաքական այս պրոցեսը, որի հետևանքով Հայաստանի մոտ ինը նահանգներ կցվեցին Արտաշեսի պետությանը, առեղծվածային բնույթ է կրում, եթե ի նկատի ունենանք այն կարճ ժամանակամիջոցը, որի ընթացքում նա կատարեց (ըստ Ստրաբոնի, Արտաշեսը 189 թ. Արտաշատի շուրջը տարածվող տերիտորիայի վրա էր իշխում, իսկ 179 թ., ըստ Պոլիբիոսի, նա Հայաստանի մեծագույն մասի տերն էր), ինչպես նաև այն, որ Արտաշեսը համեմատաբար փոքր տերիտորիա ունենալով իր տրամադրություն տակ, ձեռք բերեց հայկական նահանգների զգալի մասը: Բայց այդ պրոցեսը բացատրվում է Հայկական լեռնաշխարհում հալ էթնոսի կազմավորմամբ: Հալ-արմենական ցեղերը տարածվել ու հաստատվել էին արդեն լեռնաշխարհի համարյա թե թողոր նահանգներում, և թեպետ ոչ ամեն տեղ էին մեծամասնություն կազմում, հայերի էթնոգենեզիսի պրոցեսը առաջ էր ընթանում Հայկական լեռնաշխարհի ամբողջ մասշտաբով: Իրա համար էլ Արտաշեսը ոչ թե միայն նվաճում էր այս կամ այն նահանգը, ինչպես ասում է Ստրաբոնը, այլ իր պետությունը միացնում էր այնպիսի տերիտորիաներ, որտեղ նախորդ դարերում հաստատվել էին հալ-արմենական ցեղեր: Արտաշեսը միայն քաղաքական սանկցիա էր տալիս մի պրոցեսի, որը զարգանում էր ամբողջ թափով դեռ նախորդ դարերից ու այժմ իր ավարտին էր հասել, պայմանավորվելով իր հերթին Հայկական լեռնաշխարհի միավորումը: Որոշ դեր կարող է խաղա-

դաժ լինել նաև Երվանդյան պետության օրինակը, այդ պետության թողած տրագիգիաները, որոնց շարունակողը, պետք է կարծել, համարում էր իրեն Արտաշեսը¹:

Վերև շարադրվածից երևում է, որ Հայկական լեռնաշխարհը միավորելու առաջին փորձը, ուրարտացիներից հետո, կատարվել է Երվանդունիների օրոք: Հիրավի, կան մի շարք տվյալներ, որոնք թույլ են տալիս ենթադրելու, որ Ն. մ. թ. IV դարի երկրորդ կեսին ստեղծվել էր Երվանդյան մի պետություն, որն ընդգրկում էր Հայկական լեռնաշխարհի զգալի մասը: Սակայն այդ տերիտորիաների միավորումը Երվանդունիների օրոք կրում էր ժամանակավոր, ոչ հաստատուն բնույթ: Այդ ուներ իր որոշակի պատճառները: Իսկապես հասարակության դարգացման ցածր աստիճանը և հայ ժողովրդի պրոցեսի թերավարտ վիճակը կաշուն նախադրյալներ չէին Երվանդյան պետության գոյության համար, որի հետևանքով էլ նա վատ դիմացավ Ն. մ. թ. III դարի փորձություններին:

Ն. մ. թ. II դարում, Արտաշես I Միավորողի օրոք ծնունդ առնող պետությունն արդեն այլ, նոր հիմքերի վրա առաջացավ: Այդ հիմքերը, դասակարգային հասարակության հարաբերական հասունությունը և հայ ժողովրդի կազմավորման բարեհաջող ընթացքը հանդիսացան այդ պետության կենսունակության պատճառը, և նրանց մեջ է, որ պետք է որոնել հայկական ստորկա տիրական պետության հարատևության բացատրությունը: Իսկ և այնպես չպետք է անտեսել Հայկական լեռնաշխարհը միավորելու Երվանդունիների փորձի ազդեցության նշանակությունը, ինչքան էլ այդ փորձը երևուն լինեի ու ենթակա բազմաթիվ տատանումների:

¹ Վ. Տիրացյուն, Արտաշես Ա-ի նսրագյուտ խճանագրությունները, «Ճեղքագիր», 1957, № 10: